



Tshedimosetso e ntšha go ba ba Tshwanetseng go Newa Madi a Thusano Trust ba ba tlhophileng go rekisa dishere tsa bone



Re itumelela go lo itsise gore go rekisiwa ga dishere tsa lona tsa Gold Fields le Sibanye-Stillwater go setse go weditse, tumalanong le se lo se tlhophileng ka nako ya fa lo ne lo tlhopha se lo ka ratang se dirwa.

Barekisi ba dishere ba simolotse go rekisa dishere tseno morago ga letlha la go ntshiwa ga tsone la 1 Sedimonthole 2025, mme go rekisiwa ga tsone go tsamaile lobaka lwa dibeke di le thataro. Tlhwatlhwa ya dishere tseno e ne e ntse e fetofetoga letsatsi le letsatsi, mme ka jaanong go rekisiwa ga tsone go setse go weditse, re na le palogare ya tlhwatlhwa ya go rekisiwa ga tsone e ba ba newang madi ano ba ka e dirisang go bala madi a ba tshwanetseng go a newa pele ga go ntshiwa madi a lekgetho le dituediso tse dingwe.

Palogare ya tlhwatlhwa e dishere di rekisitweng ka yone:

Gold Fields

R739.09

Sibanye-Stillwater

R56.25

O ka kgona go leba seteitemente sa gago sa dishere mo porofaeleng ya gago ya JIS mo <https://www.investecss.co.za/thusano/account/logon>.

Gape re simolotse le tšhanele ya WhatsApp moo o kgonang go kopa Thusano Trust go bona tshedimosetso. Nomoro ya tirelo eno ke: 075 399 9785. Kgotsa, o ka itirela dipalo ka bowena fa o itse gore dishere tsa gago di tsamaya jang: ▼

	Tlhwatlhwa ya bofelo ya dishere	Palo ya dishere tse o di neilweng	Madi a o tshwanetseng go a newa pele ga lekgetho le dituediso tse dingwe -
Gold Fields	R739.09	X	=
Sibanye-Stillwater	R56.25	X	=

NTLHA YA BOTLHOKWA

Fa o tsena mo porofaeleng ya gago ka thulaganyo ya khomphiutha ya JIS / o ikgolaganya le lephata le le tlamelang ka thuso go leba seteitemente sa gago, o tla tlhokomela dilo tse pedi:



SA NTLHA:

Gore thulaganyo eno ya khomphiutha e tla bo e go diretse dipalo tse go buiwang ka tsone fa godimo, e bile e ntshitse le madi a dituediso a re ntseng re bua ka one. Madi a a bontshiwang moo e tla bo e le madi a gago pele ga go gogwa madi a lekgetho.

SA BOBEDI:

Thulaganyo eno ya khomphiutha e go bolelela ka madi a lekgetho a e leng 45%. **Tsweetswee ela tlhoko:** ntle le fa o le mo setlhopheng se se kwa godimo thata sa lekgetho, ano ga se madi a o tlileng go a duedisiwa a lekgetho. Re sa ntse re emetse lefoko go tswa go Lephata la Tsa Lekgetho la Aforika Borwa (South African Revenue Services [SARS]) gore mongwe le mongwe o tlile go duedisiwa lekgetho le le kana kang. Fa tshedimosetso eno e le teng, seteitemente sa gago sa dishere se tla tsenngwa tshedimosetso eno jaaka fa go tshwanela.